

Kodak Color Control Patches

centimetres
1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29

0 10 20 30 40 50 60 70 80 90 100 110 120 130 140 150 160

22.6533
1112.073
15





麗水縣志卷九

麗水縣知縣黃平彭潤章重修

選舉

麗水唐代科目已無可考宋以降彬彬盛矣二百

年來漸以積衰生斯土者以為憾焉夫誠有其不


朽者存安必巖廊之貴而蓬累之辱哉退而自考

焉可矣

薦辟浙江通志云薦辟非有實指科目者甯關而不書麗邑記載簡書其名而沒其科今未便

錄以俟考定

宋



祝鎰 賢良方正通志鎰作鑑

梁汝嘉 賢良方正少師

梁叔玠 賢良方正汝嘉子朝請大夫

梁季秘 汝嘉子吏部侍郎通志無季秘各誤

以吏部侍郎屬之叔玠

梁鑰 賢良方正季秘子知興國軍事

葉三益 神童

吳圻卿 神童

沈才 人才光祿大夫以下四人葉紀通志無從府志增

鄭朋 樞密院統制

鄭壤 安豐軍判官

潘淵 茶場使

案梁汝嘉後世散居宣慈鄉明代割宣慈置宣平縣撰宣平志者遂以諸梁入之考栝蒼葉紀云汝嘉家鄰郡學則不得為宣平人矣通志於宋代里貫有雲和宣平等名蓋據今境追改之然當時里居確在何鄉難為指實今凡舊紀云麗水人者皆因襲收之仍註明某書作某縣人以示區別又宋

元

史謂汝嘉以外祖何執中任入官周益公撰神道碑亦云外王父何執中奏補登仕郎而通志以為舉賢良方正未知何據

徐夢奇 福建宣慰

羅士龍 漳州同知

周濬 象山縣尹

金之榮

徐印孫 國安縣尹

周文虎 桐江縣丞

陳壽山 淮安同知

湯培 上饒縣尉

徐亨 吉安州判官

王淮 松江判官

陳強祖 池州學錄

何珪 平陽州同

潘弼 贛州司獄

徐蒙山 泉州縣尹

湯駒 平陽州判

王寄 縣

洪中登 平陽州同

陳嗣宗 繁昌主簿

陶成 常山縣

祝與昇 福建行省檢校

柳應龍 同知以下五人從府志增

柳夔 左丞

王挺 知縣

徐伸

吳孟銘 藍田丞

明

王廉 孝廉

吳允傳 孝廉

劉道隆 孝廉江西理問

劉宗韶 孝廉福州知府

吳公願 茂才翰林編修

陳仲和 賢良方正諸城知縣

趙德懷 明經繁昌知府

陳德成 秀才番禺知縣

陳子高 秀才禮部員外郎

俞廷芳 儒士延平知府

葉礪石 楷書御史

劉宗霖 人才江西布政

吳宗器 人才趙州知州以上十三人見通志餘據彙紀及府志增

任維正

劉宗保

趙可大

潘初

潘伯濟

黃池

楊顯文

楊仲吉

祝金

金善

陳宗明

周原慶 以上俱孝廉

劉文偉 順慶同知

王錡 福建員外郎

劉彬 工部員外郎

王希言 本府訓導

祝彥芳 安州同知

于公鎰 順天同知

季閻長 鳳翔教授

葉守禮 慈利知縣

吳均惠 涇陽知縣

徐用中 遼寧教授

徐安 青州衛經歷

梁慶 廣平推官

周玉篇 高陵知縣

張通 泰甯主簿

葉公回 江西都事

陳宗銘

柳浙 國子學錄

王存誠

徐文偉 江西按察使

柳景府 常州府同知

鄭彥泰 大名知府

柳杲

徐梓村 南昌同知

王伯機 石埭知縣

葉德慎 潁上縣丞

胡宗質 茶陵主簿

葉德環 山西布政使

葉天用 御史

葉德廷 山陽主簿

吳廷桓 王府紀善

余宗進 武義訓導

俞公翔 本縣訓導以俱明經

王廷會 廣州知事

孫振民 國子學正以俱秀才

祝應 貴縣丞

黃資 本縣訓導

葉文範 本府訓導

葉彥維 本縣訓導

祝禹疇 本府訓導

邵彥昇 本縣訓導

林閻讓 本縣訓導

楊茂迪 揚州訓導

常彥舟 新甯主簿

徐士容 兵科給事

鄭錢 平陰知縣以

吳鍾 楷書鎮江同知

劉文炳 長樂知縣

湯彥熙 通渭知縣

王均正 豐城知縣

羅才 銅陵知縣

顧均得 祁門知縣

吳信中 廣陽經歷

陳得厚 會同縣丞

戴子葵 通州知州

鄭銳 進賢知縣

祝傳 饒州府知府

潘彰 連州知州

潘傑 九江權茶照磨

楊景和 刑部主事

陶質夫 兩淮鹽運同知

潘滋潤 臨清知縣

戴椿 縣丞

周敬仁 縣丞以上俱人才

陳伯誠 湖廣參政

徐思安 崇仁知縣

王彥緒 鄒縣知縣

陳程 北平僉事

王均昇 上林主簿

吳冕 池州知縣

吳崇理 安甯州同

劉文華 惠州經歷

潘甯 邵武通判

陶友鎮 興安知縣

梁伯通 光州知州

吳允恭 袁州知州以

楊荀 義民衢州知州

進士

宋

大中祥符五年壬子徐奭榜

葛源彙紀作麗水人通志有徐陟府志誤入九年丙辰

皇祐五年癸巳鄭獬榜

應敢

葛良嗣鄞志云源子貫開封通志作葛嗣良

麗水人而嘉祐二年丁酉復有

嘉祐四年己亥劉輝榜

朱師雄

嘉祐六年辛丑王俊民榜

劉牖

治平二年乙巳彭汝礪榜

梅南仲通志作仲南

熙甯六年癸丑余中榜

應適

朱定

熙甯九年丙辰徐鐸榜

祝磯

蔡惟稽通志稽作楷亦見宣平志

元豐二年己未時彥榜

孫夙

梅源

應皓

應通府志在八年乙丑

元豐八年乙丑焦蹈榜

郭儀

祝亞太常卿

元祐三年戊辰李常甯榜

葉贊

朱師回

許宸卿

王偉

祝粹分水令

紹聖四年丁丑何昌言榜

余潔已

祝敞

劉介

祝廷衛尉少卿

元符三年庚辰李釜榜

李國富

朱琳

葉秉圭

蔡翊

崇甯二年癸未霍端友榜

吳作德

葉視府志有沈經通志作縉雲人

崇甯五年丙戌蔡疑榜

包大有

吳祥

大觀三年己丑賈安宅榜

吳迪

朱璞師雄子

鄭集

祝顏

政和二年壬辰莫儔榜

梅文

劉亘

祝卞彙紀有周公才

政和五年乙未何桌榜

陳允揚

重和元年戊戌王昂榜

咸淳臨安志作政和八年嘉王榜通志據宋史徽宗紀改

正

吳作謀

葉宏中

季洞

通判奉州

宣和二年庚子祖秀實榜

吳安國

彙紀選舉門不載人物傳云宣和初上舍釋褐徽宗擢第二

宣和三年辛丑何渙榜

林覺

宣和六年甲辰沈晦榜

葉珏

祝陶

陳昇

胡昇

府志有間邱所

建炎二年戊申李易榜

王如

陳穆

葉熙

府志葉作陳誤

梅守卓

通志作雲和人

紹興二年壬子張九成榜

陳端

葉粹

彙紀作萃

王義朝

通志作朝義

葉蒔

徽州通判

紹興五年乙卯汪應辰榜

鄭銳夫 通志作
銳夫

祝文達 彙紀有
林庇

紹興八年戊午黃公度榜

陳端行 吳敬

紹興十二年壬戌陳誠之榜

葉汝士

紹興十五年乙丑劉章榜

劉袞 林并

胡漸 王大方 江西安撫以下
二人彙紀失載

吳祇若 奉議
郎

紹興十八年戊辰王佐榜

章謐 胡鉉

章駒 王東里

王桷 府志有葉謙亨麗水人人物門
又作青田人通志作縉雲人

紹興二十一年辛未趙達榜

林昌朝 吳振

紹興二十四年甲戌張孝祥榜

盧彥德 梁安世 彙紀作宣平人宋
詩紀事作麗水人

府志有
陳嘉猷

紹興二十七年丁丑王十朋榜

閻邱明 胡尹朋

朱君

吳湯輔

章謙謚弟

章諫

李伸

紹興三十年庚辰梁克家榜

梁汝永著作郎

王信煥章閣侍制

隆興元年癸未木待問榜

葉巖叟

胡大方

祝興宗卞孫

胡恭

葉偉朝散郎府志有潘夢得鄭澄

乾道二年丙戌蕭國梁榜

閻邱仲忱

張特夫

林復

王長世

章堪

江濤福建通判

毛嘉會安撫使彙紀有吳薦應策

乾道五年己丑鄭僑榜

王鑄大方猶子

梁叔栝

林豫覺孫

乾道八年壬辰黃定榜

鄭鑑夫

吳敦義

林筠

孫大同

葉宏

太府少卿

葉挺

知岳州

梁銛

叔玠子彙紀
梁作葉誤

淳熙二年乙未詹駉榜

葉初

何晦

常建

知台州

葉英

林牧

李浹

洪朝卿

彙紀無

項預

葉衢孫

季子拱

朱良茂

葉宗魯

河南提舉

淳熙五年戊戌姚穎榜

章良能

駒子參知政

湯致

盛庶

福建提舉

淳熙八年辛丑黃山榜

鄭褒然

通志無然字

郭泰亨

城南都幹

潘叔豹

同知萬州

淳熙十一年甲辰衛涇榜

章良肱

駒子良能兄

曾益

季裕

洞猶子

鄭叔臯

周夢祥

知湖州府

淳熙十四年丁未王容榜

林寅

王仍 信弟彙紀有陳之雅府志有蔡灝

紹熙元年庚戌余復榜

朱朋孫

王仁 信弟知衡州

盛庶 庶弟

梁錯 叔玠子府志有林琦周汝明

紹熙四年癸丑陳亮榜

朱慶

周起

慶元二年丙辰周虎榜 府志作鄒應龍榜考宋史應龍傳不言進士第一

祝士奇

鄭範

慶元五年己未會從龍榜

葉洪 英子

嘉泰一年壬戌傳行簡榜

陳思點

余次舒 彙紀有林翰

開禧元年乙丑毛自知榜

葉容

姜惟一

梁致恭

趙汝闢

嘉定元年戊辰鄭自誠榜

潘杞 太府寺丞

閻邱榛

嘉定四年辛未趙建夫榜 辛未甲戌丁丑三科府志並失載

葉汝明

朱汝孫

王師說

趙鎬夫

趙汝扛

嘉定七年甲戌袁甫榜

吳藻

吳希點

徐應辰

朱清孫

賀巽

嘉定十年丁丑吳潛榜

鄭環

張洙

鄭宗玉

吳異

連嶸

梅杞侍御史彙紀作雲和人

嘉定十三年庚辰劉涓榜

蔡源

馮豹變

嘉定十六年癸未蔣重珍榜

林瑄

李鴻

季易

陳瑄

張敏子

葉德新

彙紀有盧子尚府志有蔡仲龍案通

志子尚臨海人仲龍官平人

寶慶二年丙戌王會龍榜

趙汝華

趙若景

趙汝訖

趙汝岳

余信

彙紀無

梅世建

林堯章

吳宗夫

趙汝祿

趙彥堞

鄭必大

楊遂 彙紀有章大醕
王顯文陳鑄

紹定二年己丑黃樸榜

童伯厚

趙若塗

馮夢蘭

吳立之

趙時暄

趙雲夫

鄭龕

趙汝爨

朱光 襄陽尉

紹定五年壬辰徐元杰榜

江時舉

李濬

季端叟

彙紀有蔡登無
江時舉李濬

端平二年乙未吳叔告榜

朱時

葉惟佑

何伯英

陳炯

季方

趙汝堞

嘉熙二年戊戌周坦榜

趙汝澤

趙時櫜

吳濂

趙汝益

吳士興

吳就 府志有梁椅彙紀有
吳椅穿吳椅慶元人

淳祐元年辛丑徐儼夫榜

閻邱成

梅汝說

姜文龍

鄭應開

趙時瑳

王日新

朝散郎彙紀有俞來元至正丙戌林

似祖重建靈應廟記有
淳祐二年進士潘檜

淳祐四年甲辰留夢炎榜

趙時煥

趙時瓚

吳驥

孫廷玉

章春

趙嗣琪

陳初

淳祐七年丁未張淵微榜

徐仲南

陳坡

朱煥

盧士申

葉士駒

徐旦

胡民望

趙若釋

淳祐十年庚戌方逢辰榜

趙汝與

彙紀無

周明之

以下二人府志作縉雲人

趙時仔

趙時壑

以下三人府志作青田人

周景祖

楊少愚

寶祐元年癸丑姚勉榜

周景勵以下二人府志作縉雲人

陳厚

尹棟府志作遂昌人

寶祐四年丙辰文天祥榜

趙汝滂

吳燦

趙若播

趙時

葉夢登

鄭應雷

開慶元年己未周震炎榜

趙必鈺

趙若授

胡錡

陳必慶

趙若撫

景定三年壬戌方山京榜

趙嗣通

趙若掄

趙時濬

吳澄

葉禔通志作提以字天祺推之則當作禔

朱天民平江節度判官彙紀通志俱有葉夢

登案夢登已見寶祐四年

咸淳元年乙丑阮登炳榜

周彬

趙元凱

張應高

常維之

趙崇節

趙崇運府志運作準彙紀蝕

趙嗣綜

趙堦夫

趙必鏃 彙紀鏃 作鏃

趙若涌

華登雲 通志華 作葉誤

吳梅 府志有趙若灝 蔡夢龍鄭嘉遜

咸淳四年戊辰陳文龍榜

周浩 府志浩 作灝

李文豹

陳庚孫

咸淳七年辛未張鎮孫榜

梁彥國 府志在四年戊辰彙紀 云戊辰科博學鴻詞

趙崇籍 鮑堉

章佺 鄭灝 南省 賦魁

咸淳十年甲戌王龍澤榜

趙若槃 俞奇

梁泰來 葉采

胡袞然 王楫之

朱逢泰

附特奏名 案宋開寶三年詔禮部貢院閱貢士及 諸科十五舉以上終場者具名以聞並

賜本科出身此特奏名恩例之始馬氏端臨曰時 天下登第者不數年輒赫然顯貴雖耄鈍之士數

拙於試後多收入仕版謂之特奏名至或因循不 學欲積舉以應令云云府志列麗邑特奏名者十

二人內有葉清臣考清臣舉天聖二年進士第二 史稱宋進士以對策擢高第者自清臣始何至夷

與積科干祿者等乎且史以清臣為長洲人舊浙 注通志誤以為烏程人雍正通志人物門已糾其

失安得言麗產又姜特立以父蔭入官亦非以奏 名進者即此推之其他容有未實以不能逐一考

定姑過而存之焉

吳安國

姜特立

王何

王倚

林慶善

林夢森

鄭睿

鄭通

葉清臣

王孔愚

柳樞

梅一飛

元

延祐五年戊午霍希賢榜

林定老 彙紀作延祐辛酉案延祐終庚申不得有辛酉宋濂麗水二賢母墓碣誤同

至順元年庚午王文晷榜

通志作庚子誤

項棣孫

至正五年乙酉張士堅榜

林彬祖

定老子青陽尹府志作青田縣令誤

明 彙紀於明代科目時有奪漏今據題名碑錄補其出隸外籍及由外籍入者亦照碑錄註明

洪武四年辛亥吳伯宗榜

吳公達

採花尚書府志有季公震題名碑錄無

洪武十八年乙丑丁顯榜

戴成

陳善生

洪武二十四年辛未許觀榜

李維齊 容縣知縣 碑錄無

洪武三十年丁丑陳郊榜

李文巽 御史

劉道福 河南僉事 碑錄無

永樂二年甲申曾榮榜

徐善慶

永樂四年丙戌林環榜

劉性同 參政

陳驥 碑錄作福建長樂人 府志云父斌官府學

訓導 入籍

永樂九年辛卯蕭時中榜

陳儀 僉事

永樂十年壬辰馬鐸榜

章睿 廣東僉事

永樂十三年乙未陳循榜

周貴 知府

吳善才 禮部侍郎彙紀作 吳政即善才改名

永樂十六年戊戌李騏榜

吳琛 慶府長史

永樂十九年辛丑曾鶴齡榜

陳炎 河南道御史

陳愛 慶府長史

宣德五年庚戌林震榜

薛希璉 刑部尚書

景泰二年辛未柯潛榜

金文 庶吉士開封知府

天順八年甲申彭教榜

金忠 貴州道御史碑錄云麗水人雲和籍

成化二年丙戌羅倫榜

吳世榮

成化五年己丑張昇榜

張璫 按察副使碑錄云麗水人雲南平夷衛官籍

成化八年壬辰吳寬榜

俞俊 工部尚書

達毅 碑錄作丹徒人

成化二十年甲辰李榜

劉芳 山東御史

金祺

宏治六年癸丑毛澄榜

鄭宣

李瑾 碑錄云處州衛籍紹興府山陰縣人

宏治九年丙辰朱希周榜

葉德 編修

宏治十五年壬戌康海榜

葉良 兵科給事中

正德三年戊辰呂柟榜

汪瑛 會魁碑錄云處州府官籍旌德縣人

選舉

正德十二年丁丑舒芬榜

桑阡

碑錄云陝西安東中護衛籍麗水人

嘉靖二年癸未姚涑榜

吳榮

樂平知縣

陳府

碑錄云上元民籍麗水人

嘉靖十七年戊戌茅瓚榜

沈鍊

碑錄云紹興衛軍籍麗水人通志作會稽人彙紀有張敦仁通志無碑錄是科多壞蝕無

從訂正

嘉靖二十年辛丑沈坤榜

吳守貞

碑錄云廣東電白人府志云廣東籍

嘉靖二十六年丁未李春芳榜

何鏗

碑錄云處州衛軍籍宛平人

張敦復

刑部主事

嘉靖三十八年己未丁十美榜

吳鳴琦

府志云順天人

王葑

刑部觀政

嘉靖四十八壬戌年申時行榜

戴濂

潯州知府

萬曆二十九年辛丑張以誠榜

呂邦耀

碑錄云錦衣衛官籍麗水人通志失載

萬曆三十五年丁未黃士俊榜

王一中

碑錄云麗水籍青田人

舉人

元

延祐元年甲寅

王森

翁判府志麗水人彙紀宣平人通志無
宣平志列至元辛卯案至元無辛卯

至元元年乙亥

吳世昌

本州教授

吳世德

美化書院山長通志無據彙紀補

至正四年甲申

林公慶

定老孫通志公作松誤

林彬祖

定老子以上二人彙紀標庚寅科案

庚寅為至正十年未詳孰是又彬祖作嗣祖檢進士表有彬祖無嗣祖

至正十三年癸巳

林似祖 定老子處州路學正彙紀通志失載從宋濂麗水二賢毋墓碣補
明彙紀及通志互有
訛脫參校補正

洪武三年庚戌

吳公達 辛亥探花

洪武十七年甲子

戴成 乙丑進士

陳善生 乙丑進士

洪武二十三年庚午

王保

李維齊 辛未進士

劉道福 丁丑進士

洪武二十九年丙子

朱善性

李文巽 丁丑進士

永樂元年癸未

葉公慎 鳳陽訓導

徐善慶 甲申進士

葉光祖 府志作松陽人

陳驥

永樂三年乙酉

潘華 府志在元年癸未誤

季熊 知縣

劉性同 丙戌進士

項惟玉

毛惟謙

陳儀 辛卯進士

項修 武成知縣

周澗 應天中式

永樂六年戊子

吳惠同化州知

章睿壬戌會魁

永樂九年辛卯

葉坤巢紀在六年戊子

周貴乙未進士

王瑜九江教諭

永樂十二年甲午

陳炎辛丑進士

陳瓊晉府長史

吳善才乙未進士通志復有吳政據巢紀則政即善才更名也

祝敬泰慶教諭

永樂十五年丁酉

陳愛辛丑進士

吳琛戊戌進士應天中式

永樂十八年庚子

達永定鎮江教諭府志達作葉誤

林惟名教諭

陳炁

俞英

永樂二十一年癸卯

汪世英巢紀作青田人

周彥宅黃州通判

項廷蓋國子學錄

薛希璉戊戌進士

林高經歷

周公禮崇甯知縣

葉元愷沂水知縣

宣德四年己酉

金愷

周澗府志無

鄭不已外省中式

正統九年甲子

俞閏

景泰元年庚午

金文辛未進士

景泰四年癸酉

吳世榮丙戌進士

景泰七年丙子

陳銀兵馬指揮

天順三年己卯

謝宏福州訓導

劉鐸長泰知縣

天順六年壬午

達泰興國知縣

俞俊壬辰進士

吳金侯官知縣

金忠甲甲進士

達毅外省中式壬辰進士

成化四年戊子

張璉己丑進士

葉應

成化七年辛卯

王儀

項孔恂

張顯

成化十年甲午

朱海 清河知縣

劉芳 甲辰進士

陳琦 外省中式

成化十六年庚子

金信

成化十九年癸卯

金祺 甲辰進士

宏治二年己酉

魏忠

裘仁

葉德 丙辰進士

宏治五年壬子

鄭宣 癸卯進士

李瑾 癸丑進士

宏治八年乙卯

葉良 壬戌進士

宏治十一年戊午

金瓚 易門知縣

宏治十七年甲子

鄭欽 宜春知縣

正德二年丁卯

汪瑛 戊辰會魁

正德五年庚午

張遠 漳州同知

施祥 外省中式

正德八年癸酉

李椿

桑阡 陝西中式彙紀在十一年丙子

正德十一年丙子

盧綱

王翰 府志作遂昌人以下三人俱外省中式

葉信

潘九齡 左布政

正德十四年巳卯

金祺 信子毫州知州

嘉靖元年壬午

張敦仁 太僕卿

吳榮 癸未進士

陳府 癸未進士

嘉靖四年乙酉

王模 鎮江通判

嘉靖七年戊子

葉堯禎

嘉靖十年辛卯

梁壽 永甯知縣

沈鍊 戊戌進士

嘉靖十三年甲午

何鏗 丁未會魁

嘉靖十六年丁酉

張敦復 丁未進士

吳守貞 辛丑進士

嘉靖二十五年丙午

何燾

陳藝 秦府長史

嘉靖三十一年壬子

陳瀾 信豐知縣

鄭浙 岷府長史

高岡 通判

陳明 應天中式松滋知縣

嘉靖三十四年乙卯

呂鳴珂 應天中式已未進士

嘉靖三十七年戊午

戴濂 壬戌進士

王莪 己未進士

萬曆元年癸酉

吳世輔

萬曆十年壬午

葉志淑 順天中式虹縣知縣

萬曆二十五年丁酉

呂邦耀 辛丑進士通志呂作李誤

萬曆三十四年丙午

胡廷賓

金六仁

王一申 丁未進士

天啟七年丁卯

張漢傑

崇禎十二年己卯

錢金生

國朝

順治八年辛卯

吳奇珍

康熙二十年辛酉

王繼祖

康熙三十二年癸酉

錢湛

康熙四十四年乙酉

周鉞

府志作宣平人宣平志作宣平籍杭州人

雍正四年丙午

卓經

雍正十年壬子

葛淳

府志作麗水籍嘉興人

乾隆十八年壬申

林鵬舉

嘉慶二十一年丙子

徐望璋

武進士

國朝

康熙六年丁未

楊光表

武舉人

國朝

康熙五年丙午

楊光表

康熙十一年壬子

張鉅仔

府志
失載

康熙三十五年丙子

趙駿

乾隆二十二年丙子

湯日新

乾隆二十五年己卯

王祖烈

乾隆三十七年辛卯

何錫輅

陳選元

乾隆四十年甲午

陳器生

嘉慶五年庚申

孫金魁

嘉慶六年辛酉

翁開業

道光元年辛巳

馬成鰲

道光二年壬午

葉攀桂

道光五年乙酉

陳尙賢

道光十一年辛卯

何煥卿

道光二十四年甲辰

魏際飛

徐大觀

道光二十六年丙午

徐邦雄

道光二十九年己酉

華金聲

鄭國璋

咸豐八年戊午

沈殿麟

同治四年乙丑

呂占璜

同治九年庚午

龔勇智

魏鳳林

同治十二年癸酉

林鍾祥

項培蘭

貢生

元

俞杰

處州教授

鄭清孫

嘉興教授

鄭桂

樂平教授

王正甫

溫州教授

施伯成

溫州教授

王有恒

岳州教授

王南坡

樂平教授

陳起宗

慶元教授

陳遇孫

衢州教授

林傳

處州經歷

林仁

永康教諭

劉演

義烏教諭

劉奎

婺源長教諭

祝公亮

處州經歷

賀子京

益陽教授

陳繹曾

國子助教

吳仲元 處州教授

章世永 江陰教授

陳晦 松江教授

吳夔友 處州教授

明

洪武

葉文昇

胡錫

范凱

葉麟

胡儒

葉愛

楊友原

楊友愷

葉良

梁道瑤

礪山教諭

葉原生

江夏教諭

葉光祖

陳士隆

楚府伴讀

葉原範

鮑文槐

同知

梁豪

王瓊

王濤

周道賢

余思義

謝祖祥

朱銘

孫森

永樂

鄭添祐

江淮衛經歷

王應心

朱珪

吳壽 湖廣道御史

王進

魏宣

葉璠

翁順

徐廷臻

葉廷和
吏部郎中

陳善

葉子康

潘善泰

吳伊潛
刑部員外

葉善

陳聰

吳仕統

吳伏隆

桑鑣
高郵知州

常昱

聶思敬

王志隆
山海衛經歷

徐銘
建甯推官

林成

王穆
應天府經歷

葉起直

謝道真
陽武知縣

葉義

魏思敬

楊明輝

湯惟堅
徐州知州

潘德潤

王應節

吳杲

林憲
福建理問

金懷
崇安知縣

孫浦
漳州衛經歷

葉培
通判

葉孟康

常源
江都知縣

葉豪
岳州通判

陳謙
刑部照磨

項良善
福建都司經歷

褚仲慶
撫州同知

周宗霖

葉希性
南京前衛經歷

武文韶 兵部郎中

楊子才

周敬

葉新亨

陳仍

褚敬 衛經歷

姜賢 件讀

王文弁 南昌知事

王洪 徐州判官

劉才 樂平知縣

章磯 應天府經歷

葉浩澄 杞縣知縣

楊仲誠

項端 湖廣都司經歷

楊文英

周公盛 汝甯同知

葉潤

莫景珪 樂平知縣

朱冕 經歷

吳鎮 岳州通判

王仕觀

葉旭 蒲州知州

劉惟明 茶陵知縣

宣德

王瑾

余宗玉

李叔敬 汝甯州經歷

李康祖 故城知縣

鄭永章

任思岳 知縣

葉廣

葉疇

王贊 知縣

陳郁 岳州經歷

李森 三河知縣

季禧 贛州推官

劉通 沭陽縣丞

俞文慶 沭陽主簿

正統

鄭慶

聶宗名 鷹揚衛 知事

聶億 廣濟 教諭

趙景 光澤 知縣

張洪 光錄 署丞

吳海 廣德州 判官

陳源

何臻 扶溝 知縣

鄭不已

魏榮 安漢 知縣

陳善 建昌 知縣

王甯

李嘉

謝孔良 襄陽 推官

王埴 漳平 知縣

趙源 興國州 判官

梁玉 靜海 訓導

葉壽 都司 經歷

陳鑑 南京兵馬指揮

景泰

俞思誠 古水 縣丞

沈政 孝感 縣丞

吳昭 崑山 知縣

葉惠 南陽 通判

王耿

王誠

陳鏐 連江 縣丞

趙泳 桃源 訓導

鄭畊

祝宏 虹縣 判官

陳銘

葉容 潛山 訓導

天順

何深 遂甯 知縣

余仕榮 應天府 照磨

劉景昭 福建理問

祝奎 南昌府同知

李安 泗水縣丞

王弼 高唐州判官

季育 吏目

俞謙 鴻臚序班

劉佐

顏韶

李昱

劉彝

季英

劉瑛

周聰 縣丞

周珊 武平訓導

吳疇

成化

張甯 甌甯訓導

谷慶 訓導

湯禎 經歷

史敬 訓導

張文永 訓導

葉端貴 經歷

項孔明 清流縣丞

周汪 江山主簿

陳銀 兵馬指揮

吳鎬 訓導

周璿 新甯教諭

周璣 遼府教授

高綦 高州通判

徐循 莆田訓導

張銘

高亮

謝經 德安訓導

葉元 潯州教授

陳恭

馮儼

王猷

高峻 臨漳教諭

鄭思敬

陳佑 江西都司斷事

虞康 和州同知

桑原貞 萍鄉縣知縣

商錡

王鑑

林珣

吳安

湯清 平樂縣丞

李文 休甯縣丞

楊浦 順昌縣丞

宏治

張璿 高山訓導

徐銓 霍邱訓導

王愷 古田教諭

戴銓

戴選 瀧水訓導

周旋 伴讀

葉華 漳州通判

薛鎬 星子訓導

劉珏 當塗訓導

葉洪 長泰縣知縣

趙源 桂林衛經歷

薛本 希璉孫

金禱 甯化教諭

高欽 元謀縣知縣

吳鏗 汀州府訓導

王誠 南靖訓導

金祥 石城教諭

谷華 惠安訓導

王鏞

王鉞 永福訓導

葉相

葉俊

張欽

張政

項清 巴陵教諭

薛伸 王府典寶

選舉

選舉

四

項孜訓導

陳懋德江陰教諭

石愷曹州學正

正德

李宥鎮海教諭

王文斌

陳鈞奉新縣丞

胡瑀興國教諭

余磯訓導

張鈺天長訓導

祝瑩漳浦訓導

項泐德興訓導

王鏜海陽訓導

薛昉德州訓導

葉榛連城訓導

葉濬

梁儀

陳瑄

吳如孝王府教授

吳深教諭

吳溥

陳璽訓導

葉炆豐縣知縣

趙燉訓導

何曇甯德教諭

吳鼎

馮源英山教授

謝一夔沅陵教授

嘉靖

戴禮德化教諭

史璋南安教諭

王忱口山教諭

馮溥霍邱訓導

戴禧清城教諭

吳奇壽州學正

張憲

陳懋儉 常州學正

李桓

陳懋敬 六安州訓導

吳棠

達綱 達州學正

孟沂 常州訓導

詹天瑞

王榜 上猶教諭

蔣安 宏都知縣

陳懋順

牛榛 廉州教授

董瀾 績溪教諭

王應奎 莆田訓導

朱應龍 福清訓導

李如蘭 甯波訓導

董濂 桃源訓導

葉淮 東流訓導

董鏗 縣丞

王文淵 廬陵訓導

俞鑿 曲阜教諭

金祿 永昌府判

何烈

梁鴻翔

陳芳

陳守 貴池縣丞

薛明 婺源訓導

陳同 淮安訓導

陳繼華 吳縣訓導

祝應嘉 河南通判

葉裕 吳縣教諭

余輔 靖州學正

王尙賢 教諭

劉泰 南雄府訓導

陳明 應天中式

朱濬 通州訓導

俞整

林寬

單槐

陳瀚 訓導

葉祿 太湖訓導

何炳 太平教授

楊瑞 羅源知縣

沈彩 訓導

張顯 歸安教諭

陳遂 曹州學正

董鎔 永安教諭

王宇 陽江訓導

高文景 潼關教授

何琮 甯化訓導

戴鎧 選之子松溪知縣

錢瑄 亳州訓導

周承宣 龍巖教諭

葉福 贊皇知縣

陳寰 浦城訓導

葉志學

隆慶

李鳴陽

陳表

余江 德安訓導

王沛 安溪訓導

陳莘

任夢龍

王憲 太平教諭

劉官

葉世瑞 松江訓導

劉大烈 合肥教諭

吳一鸞 蒙城知縣

萬歷

王樵 常山訓導

陳嘉韶 南漳知縣

魏仲鰲

易文 益州教授

戈相

戈桓

陳烈 歸安訓導

單熙載

楊仲儉

葉時中

王柏

高材 桐廬訓導

王瑩 福清訓導

陳名芳

朱衣 松溪教諭

汪應廉 益府教授

葉曾 莒州知莒

陳正言

張率孝

葉蓁

吳應斗

李林 嘉興教授

王化

何元善 吳江主簿

王箱 陳州同知

葉志淑 順天中式

俞昌言 甯波訓導

張縉 黃巖教諭

張本 龍游教諭

吳一豸 益州教授

薛大亨 武義訓導

陳思忠 泰安州同知

謝塘春 湯溪訓導

王一中 選貢南光祿卿

李鶴 餘姚教諭

何應乾 荔浦知縣

王良謀

盧大成 教諭

聶世賢 訓導

鄭棻

許成義 望江教諭

劉世用 大烈子

葉應春

吳應期 涇安訓導

陳萬言

吳文榮 撫州訓導

管元龍 歸安訓導

陳思虞

張宇

泰昌

管光龍

天啟

陳祖庚

何其美

吳紹科

鄭應斗

崇禎

張內蘊

卷之九

七

陳文燭

郁鵬翰
選貢

鮑知我
電白訓導

王公廉

周善慶

麻文憲

王民

戴朝杜
選貢

王肩昌

詹日昇

王肩昇
副貢

彭春魁

陳叶元

葉應高

陳昌蔭

邊國泰

鮑坤順

國朝

順治

梁用中
姚安經歷

鄭志僑
奉化訓導

電水系志

卷之九
選舉

七

武之周 浦江訓導

陳祖煥 豐縣知縣

陳象乾 貴陽知府

黃大會 湯溪訓導

金鈺 開化訓導

葉應期

趙顯祖

張紳 羅源知縣

祝利見 拔貢陽春知縣

胡儀 拔貢

高士聰

張士麟

胡泰階

吳奇標 拔貢

康熙

劉顯祖

陳有聲

葉日葵

王基

葉盾

楊士宏

張嵩生

劉作雋

章士正 分水訓導

梁天眷 拔貢州同

王祚昌 壽昌訓導

金冕

耿孕葵 會稽訓導

葉孕蘭

楊超 拔貢

辜景臯

馮兆京

葉蔚然

朱吉人

金輅 拔貢

樂隆芳

王任祖

何明燦

葉際飛

黃日京

楊金生

黃廷鳳

金之珩

張孔禮

梁繼善

周兆熊

葉應鸞 仁和訓導

朱光義 甯波訓導

陳大受 拔貢

王鴻慶 永嘉訓導

湯聘

沈雲麟

徐顯謨

金之璉

章正楹

王偉

雍正

陳大奎 拔貢

高天爵

梁天成

吳日嵩 拔貢

王運廣 定海訓導

陳大鵬

王運正

楊連

王運參

紀盛元

周禮

許上達

麥麟瑞

楊森

葉春錦

錢元爝 乙卯拔貢 涇州知州

王濟

乾隆

張日新

謝和鏘

張文鳳 武康訓導

湯煒 太平訓導

陳炤 辛酉拔貢

陳樾 辛酉象山訓導

周南

許維翰

孫浩

張繼書

吳桂森

吳桂期

奚申之

章光炳

周克峻 奉化訓導

紀榛權

徐湛

端木模 癸酉拔貢知縣

陳天策

戴希良 長興訓導

徐士璠 樂清訓導

薛士梁 昌化訓導

王毓蒞

張超先 長興訓導

章光煜

鄭珊 乙酉拔貢

何棠

余元瑛

陳國賢

楊翰文

張樹績

楊敏

楊敬

章維基

薛茂育 丁酉拔貢昌化教諭

葉秉禮 丁酉拔貢惠安知縣

吳彭齡

汪儒在

李景儒

陳世勳

徐道素

林文翰

章光斗

章光煥

徐學詩

金永達

黃繩先

己亥副貢
蒙城知縣

趙運培

章惟堯

王惟球

己酉拔貢唐
縣鎮州判

呂亦調

己酉
拔貢

章正梧

劉文錦

王正中

俞惠

吳櫻

林世探

朱燕

張朝幹

葉光魁

楊繼志

嘉慶

章顯京

張祖仁

湯焯

楊琬

徐望璋

辛酉拔貢
武義教諭

吳廷銓

辛酉
拔貢

董迪

甲子優貢
昌黎知縣

葉光星

薛雲錦

徐學道

葉大生

李韓

葉貞恒

鮑家驥

黃述先

魏王幹

湯賢簡 奉化訓導

董鳳池 癸酉拔貢

戴清

葉愷

潘卓

紀律

薛茂昭

管耀宗

葉金鑑

道光

何雲鰲

魏錫齡

張鯤

管和鳴

錢銀

董鳳梧 乙酉拔貢

董作模 乙酉副貢

葉攀鱗 乙酉優貢興甯知縣

何淮

李輝組

葉文榮

譚景星

呂亦誠

魏庭讓

葉方俊

王育菽

王尙忠

朱有章 丁酉拔貢知縣

葉芬

葉庭暉

李輝邦

王經席

葉雲鵬

張立誠

陳廷璋

葉雲蛟

薛錦標

徐紹典

何顯聲

周錫旂

趙騫

葉開成

季恒照

李在門

王星文
己酉拔貢

魏庭亮
己酉拔貢

葉利晉

董佩琳

葉成珪

咸豐

王鳳文

葉廷鏞

李廷材

周鳳岐

葉大楫

陳文華

何雲熠

楊炳麟

楊雲鵬

楊獻琛

葉如荃

葉大觀

徐文漪

譚學周

王庭芝
辛酉拔貢

同治

王殿颺

楊獻瑾

王如辰

何雲煒

鄭以德

葉昌

徐琨

葉貞泰

夏維新

副貢 欽賜

魏一飛

副貢 欽賜

潘鴻達

副貢 欽賜

陳出新

癸酉 拔貢

王雲章

翁廷璣

湯誥

麗水縣志卷之十

麗水縣知縣黃平彭潤章重修

人物一

史例非操行殊特者不得裁篇志乘則稍寬矣然或過為藻績及以愛惡為進退則昌黎所云必有天刑者豈僅屬之史職哉麗邑風尚樸魯載記寥寥寂子孫亦罕誣其先者哀所聞見核實書之文采所不敢言傳信其或庶爾

吳越

章德安處州麗水人累官至內都監文穆王寢疾察

其忠厚能斷欲屬以後事語之曰宏佐尙少當擇宗人長者立之德安曰宏佐雖少羣下服其英敏願王勿以爲念王曰汝善輔之吾無憂矣已而王薨內牙指揮使戴惲者與王養子宏侑比蓋宏侑養母惲妻之私親也或言惲謀立宏侑德安秘不發喪伏甲士於幕下殺惲廢宏侑爲庶人復其孫姓而幽之居無何上統軍使闕璠強而橫排斥異已忠獻王不能制德安數與之爭璠遂以計貶德安處州右都監

十國春秋

宋

王元字常侍由進士授延平令奉使遼北稱職歸擢處州刺史有惠政范仲淹歐陽脩咸以詩美之高停肱七歲喪父廬墓悲思至和中郡上其事以孝行表門

陳茂元居母喪如禮旣葬廬墓太守崔愈躬顧其廬改所居鄉曰孝行表於朝治平元年敕賜粟帛龍泉管師復表其母墓

祝亞元豐八年進士知閩縣不畏強梗大觀中以薦召爲太常卿陞對詳切上嘉獎之官至中大夫

祝粹字子充元祐二年進士爲分水令有政聲民生

子多以其姓名之後坐黨禁復起終宣教郎

孫薪字至豐元祐中以明經擢荆門軍教授不赴絕
意仕進與黃葆光爲太學舊遊宣和六年黃以待
御史出守處州知薪不屑就謁約會於涇溪僧舍
贈詩云勸農因到好溪頭把酒相看憶舊遊三十
年來如一夢可憐空負釣魚舟時有里胥欲賂黃
而無由思因薪納之屬其家僮導意薪逆叱之曰
噤若口毋令吾坐入耳賊卒年八十

應恕字仁仲學者稱良齋先生朱子嘗以老友呼之
其所與論學書一論大學中庸一論禮書一論易

本義且云尙恨聞見淺薄望賜誨諭勿使有待於
後世子雲其見重如此恕寓居台州故亦傳爲台
人云

楊富老七歲喪父葬於蘇衙塢廬墓三年墓木生連
理烏鵲來巢紹興中太守葉駟奏於朝詔賜粟帛
錄付史館

祝庭字邦直年十四入太學紹聖四年進士屢持使
節明敏有聲官至中大夫衛尉少卿子鑑舉賢良
周智字惠卿六歲喪父廬墓有紫芝一莖七葉之異
郡守以聞會成均試士以商山節節婦麗水孝童爲

問徽宗覽之命編入時政記高宗朝鄉老上其行
賜出身終從政郎嚴州建德丞

吳詳字守約崇甯間爲蘇州教授高簡自持時中貴
人朱勔以花石綱住蘇州勢焰薰灼有司脅息奔
走如屬官詳未嘗往見及爲福建路茶司提舉以
廉名著入仕四十年無一椽以庇風雨子祗若登
紹興十五年進士

周奇九歲喪母卧墳側二年有赤雀十數巢其旁馴
擾近人崇甯中詔賜粟帛

趙文澤六歲喪父廬墓有羣鼠銜花白鵲來巢之異
郡表於朝大觀初詔賜粟帛

祝顏字景深以八行貢太學大觀三年以舍選登進
士嘗試孟軻勇於義賦爲時傳頌號祝孟子終宣
教郎

梁汝嘉字仲謨

案神道碑
謨作謀

處州麗水人以外祖太宰

何執中任入官調中山府司議曹事建炎初知常
州武進縣守薦其治狀擢通判州事加直秘閣歷
官至轉運副使臨安闕守火盜屢作命汝嘉攝事
汝嘉脩火政嚴巡徼盜發輒得火災亦息遂命爲
真加直龍圖閣以稱職擢徽猷閣待制試戶部侍

郎兼知臨安府累遷戶部侍郎進權尙書兼江淮
 荆廣經制使汝嘉素善秦檜殿中侍御史周葵將
 按之汝嘉聞給中書舍人林待聘曰副端將論君
 待聘亟告檜徙葵起居郎葵入後省出疏示待聘
 曰梁仲謨何其幸也待聘始知爲汝嘉所賣士大
 夫以是薄汝嘉汝嘉求去以資文閣直學士提舉
 太平觀未幾升學士知明州兼浙西沿海制置使
 歷溫宣鼎三郡復奉祠以歸紹興二十三年卒汝
 嘉長於吏治在臨安風績尤著

宋史本傳 周必大梁公神道碑公

諱汝嘉字仲謀幼敏悟外王父清源郡王何丞相
 執中奇之奏補登士郎知武進縣已酉二月六飛

南渡次常州官吏駭散公獨不去上異之顧大將
 張俊刻姓名於御劔九月加直秘閣增埤濬隍陰
 爲賊備旣而虜騎大至部民數萬倚公安集紹興
 二年春除兩浙轉運判官又陞副使兼權臨安府
 臨安市皆茅舍數火公始以陶瓦易之三年七月
 進直龍圖閣正知府事虜遣使來適殿柱壞詔亟
 葺治公心計有餘凡梁柱竹木瓦石用度丹漆皆
 度廣狹高下素爲儲備一日告成上自宮省下至
 營屯及百司官廨區處悉有方始成都邑上諭公
 曰前政宋輝俗而懶虛知原謬而執今得人矣次
 年進戶部侍郎仍兼臨安府六年上幸金陵爲隨
 駕都轉運使八年駕還金人議和樞掾胡忠簡公
 銓上書得罪公與侍從六人同對謂虜情難測後
 必背盟禮不可過又言責銓太重奏稿多出公手
 當路始不樂諷言官排擊公力求去秩十年起知
 川陝都轉運使公前謂虜必渝平懇辭已而果然
 東京留守孟庾降上謂侍臣曰庾不可任惟梁汝
 嘉爲朕言之十一年陞寶文閣學士上嘗密以千
 字號付公有所見勿拘遠近實封直達公感激恩
 遇知無不言前後條上便宜如分命諸將控扼要

害收陝西戍兵以固全蜀論歸正人不當遣至謂
 措畫失宜為諸將所輕願出睿斷毋失事機胡世
 將難以任用宜擇人副之又乞分大軍為三一據
 地利一往來策應一留視營寨使虜常為客我常
 為主又奏用張俊韓世忠岳飛為西府劉錡守荆
 南皆為恢復進取之計踰歲請祠歸明年秋知溫
 州十六年正月移知宣州乞奉祠從之二十一年
 起知鼎州再歲復引疾奉祠二十四年十月二日
 薨於里第明年丁酉十月葬松陽縣惠洽鄉之原
 公識慮絕人行以忠信內更劇曹外歷入郡位未
 滿能亦弗克壽議者至今惜之括蒼彙紀汝嘉
 居鄰郡學捐基以創齋廬至今繪像於學春秋祀
 之在戶部時朝議以國用不足欲拘刷郡縣養士
 餘糧以助軍需汝嘉奏言學校者風化之原不可
 一日廢也乞申飭有司凡贍學錢糧不得輒更拘
 刷上可其奏子叔玠知郴州季玠歷知信州光州
 湖北江西提舉官至吏部侍郎江西俗多不舉子
 季玠為劄慈幼院置田收養所至惜公帑不妄費
 行部恐擾州縣不宿城市嘗曰吾以清白遺子孫
 丞相謝深甫稱之曰真廉吏也叔玠子錕錕最知

各銜乾道八年進士錕紹興元年甲科第六人季
 玠子鑰朝散大夫知興國軍案咸淳臨安志紹
 興三年七月梁汝嘉知臨安府首繕庠序以示風
 化上自宮省下至營屯及百司官廨區處悉有方
 始成都邑上論之曰云云與碑正同則碑載事蹟
 殆非虛美惟史言其附秦檜碑言其阻和議圖恢
 復則大相刺謬矣時代懸隔
 難以臆決兩存之以俟論定

季洞字虛中政和八年進士耿介寡合無所附麗睦

寇洪載陷郡父沒於寇洞隨官軍進剿翦其仇官

至泰州通判

胡升字子上工詞章初任彭澤丞終湖北提舉紹興

初郡守耿延禧劾門乞讓上梁文并記刻石畢

以錢十萬酒百壺饋之辭曰升雖貧終不為一譙

門所繫

吳安國字鎮卿處州人太學進士累官遷考功郎官

以太常少卿使金口金人渝盟拘留脅服之安國

毅然正色曰我首可得我節不可奪惟知竭誠死

王事王命烏敢辱金人不敢犯遣還後知袁州卒

宋史本傳

案宋濂栝蒼吳氏世系碑銘安國父

庠官處州遂占籍子邦彥

歷官知吳縣復居德清

又安國從子邦本一名挺字挺才以淮南東路安撫使司準備將領同司農少卿湯碩使金亦不屈

節

姜綬處州麗水人金人再犯京師內外不相聞朝廷

募忠勇士齋蠟書往南京總管司調兵赴援綬以

忠勗郎應募乃剖股藏書緘下南壁為邏騎所獲

厲聲叱罵遂被害建炎中州上其事官其子特立

承信郎

宋史本傳栝蒼彙紀綬宣和中平睦寇有功補承節郎

姜特立字邦傑麗水人以父綬恩補承信郎淳熙中

累遷福建路兵馬副都監海賊姜大獠寇泉南特

立以一舟先進擒之帥臣趙汝愚薦於朝召見獻

所為詩百篇除閣門舍人命充太子宮左右春坊

兼皇孫平陽王伴讀由是得幸於太子太子即位

除知閣門事與譙熙載皆以春坊舊人用事恃恩

無所忌憚時人謂曾龍再出留正為右相執政尙

闕人特立一日語正曰帝以丞相在位久欲遷左
 揆就二尚書中擇一人執政孰可者明日正論其
 招權納賄狀遂奪職與外祠帝念之復除浙東馬
 步軍副總管詔賜錢二千緡為行裝正引唐憲宗
 召吐突承璀事乞罷相不許正復言臣與特立勢
 難兩立帝答曰成命已頒朕無反汗卿宜自處正
 待罪國門外帝不復召而特立亦不至甯宗受禪
 特立遷和州防禦使再奉祠俄拜慶遠節度使卒
宋史本傳 案特立詩有唐賢風格在南宋尤為
鏗鏘所著梅山集 四庫書著錄而惜其名在
佞倖彙紀書官資而畧事蹟蓋諱
之也今備錄史傳使瑕瑜不掩云

梁孚將宣和間睦寇方臘犯郡境孚將與兄孚光
 孚錫孚惠糾合懿德宣慈應和三鄉義旅戮力禦
 之賊將洪載逃去郡聞於朝會衢寇倪從慶曠聚
 朝廷召孚將兄弟勦之事平賞以爵孚光以讓孚
 將授迪功郎後人於宣平境內建裡德祠祀之
 祝汝秩字君禮宣和中睦寇擾諸郡汝秩詣闕上書
 乞為討賊先鋒補承信郎即領兵解郭太尉圍破
 仇道人洞復至台州捕臘餘黨為賊所害
 李棠字仲庇宣和中貢太學操履端潔為後學矜式
 官至殿中侍御史年九十餘終

何紱字叔章靖康初金人犯汴詔募義勇紱率豪健百人應募補進義副尉至穎上連戰馬奔爲枯木所支遂沒於陣

祝永之字樛年以世賞授和州尉靖康初金人入和州守令俱遁永之獨部鄉民城守州人就推爲守後知滁州

祝公明處州麗水人太原府孟縣主簿靖康間金人犯河東令棄官去公明攝縣事率保甲入援圍守踰年城陷不屈死子陶爲唐州司戶中原失守陶亦死官所建炎中贈公明承事郎

宋史本傳
明成化八年陳

音重建忠節廟記
云建炎初諡義烈

周格處州人直秘閣浙西提刑建炎元年討叛卒陳通與子肇丕俱遇害高宗嘉其節贈官敕葬

章雲就建炎四年潰兵宮儀破婺州將逼郡境州將募能說之者雲就應命往遇於荆坑喻以禍福賊許諾與俱至城下會官軍掩襲賊以爲賣已殺之子駒登紹興十八年進士

閻邱昕字逢辰爲義烏令以薦除監察御史累遷吏部侍郎給事中以敷文閣待制知温州有薛某者秦檜親黨也爲郡丞承檜旨俾造漆器昕不從薛

怒諷檜黜之所嘗憤權臣專政作周易二五君臣
論以排之平生不殖產至無宅可居既卒太守馬
光祖建祠祀之扁曰清風後鄉人趙崇潔官太常
陳詞請謚太常博士趙崇璠議曰孟子稱富貴不
能淫貧賤不能移威武不能屈此之謂大丈夫所
爲言官爲給舍爲選部以獎廉靖惜名器爲先務
故不爲權勢所撓真可無愧於孟子所謂大丈夫
者矣謚法臨官潔正曰清壹德不懈曰簡請合二
美以易昕名考功郎官洪勳譔覆議請如太常奏
謚清簡

周汝明字舜卿紹興元年進士知德興縣有余學詩
者以分財訟兄汝明署其牘云旣名學詩必識棠
棣學詩媿服後知韶州

林覺字大任紹興間爲戶部侍郎奏減民間夏稅丁
鹽綢絹仍乞第五等戶折納見錢又以鑄錢精巧
詔除敷文閣待制六孫各通一經四孫復中乾道
二年進士廣東提舉知惠州

梁安世字次張紹興二十四年進士過目成誦與張
孝祥爲忘年友淳熙間自大農丞出知韶州遷桂
林轉運使所著有遠堂集

王源父大方紹興中任江西安撫司卒源方九歲扶
櫬歸葬於鄉之梅村墓廬哀毀癯瘠服闋父老列
狀於郡郡守謝伋奏於朝賜粟帛宣付史館

王信字誠之處州麗水人既冠入太學登紹興三十
年進士第試中教官科授建康府學教授丁父憂
服除進所著唐太宗論贊及負薪論孝宗覽之嘉
歎不已特超兩資授太學博士時需次者例徙外
添差温州教授郡饑疫議遣官振救之父老願得
信任其事守不欲以煩信請益力信聞之欣然爲
行徧至病者家全活不可勝紀差敕令所刪定官

法令有不合人情自相抵牾得以傳會出入者悉
釐正之轉對言敵情不可測和議不可恃今日要
當先爲自備之策又論太學正錄掌規矩之官而
員多博士掌訓導之官而員少請以正錄兩員升
爲博士從之論除官胥冗之敝乞精選監司而擇
籍名郡將代半歲乃注人上親以其章授宰臣行
權考功郎官蜀人張公遷初以年免銓至是改秩
吏妄引後合柅之信鉤考其故吏怖服有三蜀士
實礙式吏受賕爲地工部尙書趙雄蜀人也以屬
信信持弗聽已而轉吏部閱審成牘撫掌愧嘆嗟

激不已以聞於上他日上謂尚書蔡忱曰考功得
王信銓曹遂清邏者私相語指爲神明武臣給告
不書年齒慶轉蔭薦肆爲姦欺不可控搏爲摘最
者數事告宰相付之大理獄事連三衙殿帥王友
直銳爭之上審知其非沮之曰考功所言公事也
汝將何爲獄具者伏辜因請置籍以梏後患授軍
器少監仍爲考功郎官丁母憂吏哀金殺牲禱神
願信服闕毋再爲考功旣起知永州入奏事留爲
將作少監復考功郎官轉軍器少監兼右司郎官
升員外郎有以疑獄來上者信反復披覽常至夜

分升左司員外郎轉對論士大夫趨向之敝居官
者逃一時之責而後之禍患有所不恤獻言者求
一時之合而行之可否有所不計集事者以趨辦
爲能而不爲根本之慮謀利者以羨餘爲事而不
究源流之實持論尙刻薄而寢失祖宗忠厚之意
革敝類煩碎而不明國家寬大之體因循玩習恬
不爲怪願酌古之道當時之宜示好惡於取舍之
間使天下靡然知向而無復爲目前苟且之徇又
論朝廷有恤民之政而州縣不能行恤民之實近
歲不登陛下軫念元元凡水旱州郡租賦或蠲放

或倚閣住催然倚閣住催之名可以並緣爲擾願
明與減放又論豫備三說收逃亾之卒選忠順之
官嚴訓練之職又言屯田利害上皆納其說兼玉
牒所檢討官提領戶部酒庫久之上諭信曰知朕
意否行用卿慮書生不長於財賦故以命卿果能
副朕所委爲中書門下檢正諸房文字遷太常少
卿兼權中書舍人假禮部尙書使於金肄射都亭
連中其的金人駭曰尙書得非黑王相公子孫耶
謂王德用也信得米芾書法金人寶之歸言金人
必衰之兆有四在我當備之策有二上首肯之太

史奏仲秋日月五星會於軫信言休咎之徵史策
不同然五星聚者有之未聞七政共集也分野在
楚願思所以順天而應之因條上七事又言陛下
卽位之初經營中原之志甚銳然功之所以未立
者正以所用之人不一其人不一故其論不一其
論不一故其心不一願豫求至當之論使歸於一
鎖闥職封駁而右府所下不關中書或斜封捷出
左於公論統領官奴事內官坐謫遠州幸蒙赦還
而遽復故職潛藩恩舊之隸徒權酷官而齒朝士
老禁校僥冀節鉞詭計可得之而奉稍恩典與正

不異閹門多濫額祗候妃嬪進封而冒指□他姓
爲甥姪旣一一塗歸有雖書讀而徐核其不當者
續爭救之上曰事有不可不問者第言之無有不
爲卿行者於是益抗志不回宦者甘昇旣逐遠之
矣屬高宗崩用治喪事人莫敢言昇俄提舉德壽
宮信亟執奏奉朝皆悚翰林學士洪邁適入侍上
謂之曰王給事論甘昇事甚當朕特白太上皇后
聖訓以爲今一宮之事異於向時非我老人所能
任小黃門空多類不習事獨昇可任責分吾憂渠
今已掃迹居室尙不能有豈敢蹈故態以是駁疏

不欲行卿見王給事可道此意信聞之乃止遇事
剛果論奏不避權要由此人多嫉之信亦力求去
提舉崇福宮詔求言信條十事以獻其目曰法戒
輕變令責必行寬州郡以養民力脩軍政以待機
會郡當分其緩急縣當別其劇易嚴銅錢之禁廣
積聚之備處歸附之人收逃亡之卒起知湖州信
未涉州縣據案剖析敏如流泉擢集英殿脩撰知
紹興府浙東安撫使奏免逋官錢十四萬絹七萬
匹綿十萬五千兩米二十萬斛山陰有獐獐湖四
環皆田歲苦潦信創啓斗門導停瀦注之海築十

垣化滙浸為上腴民繪象以祠更其名曰王公湖
築漁浦隄禁民不舉子買學田立義冢眾職脩理
加煥章閣待制徙知鄂州改池州初信扶其父喪
歸自金陵雖疾風甚雨弗避也由是得寒濕疾及
聞孝宗遺詔悲傷過甚疾復作至是寢劇上章請
老以通議大夫致仕有星隕於其居光如炬不及
地數尺而散數日信卒訓其子以忠孝公廉所著

有是齋集行世

宋史本傳 栢蒼彙紀 信守紹興 日置田贍學及居里又捐己田歸

郡學養士至今繪象於學春秋祀之弟仁紹熙元 年進士官至太常寺丞知衡州仍淳熙十四年進 士何右科伋倚特科子麟知郴州駒知嘉定府會 吳曦叛能脩戰守備曦平以功再任麟之子珠

司郎官知江陰軍 案史傳本洪邁所撰信墓誌 而多有訛脫今據石刻正之石刻亦闕蝕過半不 能盡通詳見栢蒼金石志又案舊處州府志於信 事多所刪落而載其揚州瓊花詩以為天下傳誦 厲鶚宋詩紀事因而錄之其詩鄙 俚已甚未必果出信手也今削

葉宏字夢祥乾道九年射策中乙科疏論州縣征賦
及軍官黜陟之弊上納之除武學博士乞增置生
員備他日用上以兵家書傳寫多訛舛出禁本十
一家註孫子詔宏撮要剪繁為善本書成賜銀絹
遷國子監丞出知均州以忤上官去尋除大理丞
累擢太府少卿總領淮西軍餉七年選使脩好於
北上特簡宏任之至安肅馬蹶傷臂副見其病且

恐示弱以爲言宏曰苟君命不委於草莽雖以尸
將事可也被折臂三公何人若乃弱視我乎此禮
成無所屈旣還益出賜予犒軍以時訓練戎政脩
舉會中飛語請祠歸慶元元年以習軍事卽家起
知楚州州薦饑民多流亡剽掠宏安集有方竝淮
千里無警朝廷材之加直敷文閣除福建轉運副
使命甫下疾卒

盧彥德字國華知廣德軍建平縣舊籍有絕戶物力
錢抑民代輸縑匹民苦之多逃亡彥德至大搜隱
漏所入三倍於舊遂以充賦削虛戶二千有餘逃

者復歸兩守蜀郡再歷憲曹竝著聲績召爲戶部
郎官除福建轉運判官至朝請大夫

郭泰亨字亨甫涪熙八年進士呂祖儉詆權相韓侂
胄貶韶州泰亨素善祖儉贖其行坐黨禁禁解授
清流縣令多士祠而碑之擢臨安府城南都廂時
史彌遠當國有上書忤其意者繫獄委官鞫問泰
亨辨其無罪彌遠怒遂致仕

潘叔豹字仲虎清熙八年進士知萬州與魏了翁爲
道義交時有僧窳地匿民婦叔豹發其奸置諸法
子杞嘉定元年進士官至太府寺丞孫厚嘉熙二

年太學奏名。皇子應發咸淳三年鄉薦。著筆志三卷。

林椅字奇卿。紹熙元年進士。爲紹興府教授。淹貫經術。以周禮爲周公經世之書。乃民極所由立。隨類條列之名曰周禮綱目。翰林學士樓鑰禮部尙書倪思表進其書。除刑工二部架閣。

葉昶字天祺。任上饒縣簿。時馬光祖守建康。兼江東安撫使。辟至幕府。多所贊畫。昶學問該博。文詞典瞻。華登雲梁椅朱天民吳楊皆出其門。

蔡仲龍字子奇。嘉定十六年進士。宅心平恕。不爲高論。郡守欲遷州社。仲龍曰。苟無大故。不必變置。守服其識。後以大理少卿出知信州。

吳思齊字子善。處之麗水人。祖深有奇才。永康陳亮以子妻之。遂僑居永康。父遂武學博士。官至朝散郎。知廣德軍。思齊由任子。入官監臨安府新城稅。調嘉興縣丞。攝縣事。縣獄多留繫。思齊坐獄戶讞。問凡株連疑罪。悉簡出之。郡有盜殺其黨。獄蔓延不決。下思齊議。思齊曰。盜攘盜貨。與民殊科。獄久不斷者。由吏教囚以贓累民耳。若正其殺人罪。置寄贓不問。則得矣。洪起畏守鎮江。檄入幕府。起畏

議築城思齊諫曰京口以長江爲天塹城之何爲
徒厲民耳賈似道喪母上將以太常鹵簿臨其喪
禮部侍郎文及翁欲上疏言懼禍且中止思齊曰
叱嗟而母婢也公不可默也未幾遷饒州節制司
準備差遣監察御史俞浙以論謝堂出爲太府少
卿留夢炎當國言堂有勳籍浙劾之過思齊曰公
宅百揆畏一家而屈臺論天下其謂何似道丞相
堂貴戚思齊以小官中其諱惡人爲危之思齊弗
顧也俄請監南嶽廟流寓桐廬值宋改物有勸之
仕者謝曰譬猶處子已嫁不能更二夫也先墓在

麗水不能數歸省歲時必遙望隕涕因自號全歸
子誓不失身以病父母也大德辛丑卒所著書有
左氏傳擬周公瑾平荊州碑魏司馬孚贊濂游浦
陽仙華山見其石壁題名尙隱隱可辨故老云思
齊與方鳳謝翺游酒酣氣鬱時望天末慟哭至失
聲夫以氣節不羣之士相遇於殘山剩水間奈之
何而弗悲哉

宋文憲集
吳思齊傳

梁椅字子奇嘉熙二年進士時甫弱冠蚤脫場屋遂
得潛心講貫力於爲文晚歲慕程朱之學編輯遺
論名曰論語翼除太常寺丞權禮部郎官

俞來字舜咨太學詞賦有聲官至國子錄

趙孟璋字子通淳祐中任武康丞有盜誣善良爲黨
令長欲坐之孟璋力爭不得遂拂衣歸隱居橫塘
以老

朱天民字覺甫景定三年進士婺州東陽尉攝金華
義烏東陽三縣皆有聲再任浙西安撫司僉廳以
禮法繩貴戚風采凜然除平江府節度判官

葉夢登字天游博學多識以文鳴嘗裒輯諸儒論史
精語爲一編名曰通鑑發揮中景定三年進士爲
吉安教授

吳梅字仁伯師北山先生何基基教以真實堅苦所
著書曰四書發揮參質於魯齋先生王柏註浦江
縣尉改錢塘

華登雲字南伯咸淳元年進士任錢塘尉尉司在西
湖近平章質似道府似道好苛察尉輒以譴去登
雲獨久於其職以治聲聞

葉應光咸淳中母王氏病革應光夜半然香禱天俄
有鳴鳩飛墮應光取烹和粥以進母病卽愈元至
元間耆老舉其父子孝行本路申達表其門

朱上交安貧樂道善行著於鄉里郡聞於朝詔徵不

起賜號養素先生

王巖字敬之少負俊才善詞賦咸淳末以宣慰李公
薦授官固辭不拜恬淡終身嘗捐資砌浮雲□□
二鄉石衢四百餘丈人多德之

黃國華字叔文方巖好禮終日衣冠危坐歲歉必賤
糶以活民或大雪有不舉火者輒遺之德祐間惡
少羣聚爲盜包氏族最強號包家洞林某能搏虎
號林大將劫掠旁郡吏莫敢制惟憚國華不犯境
一日方殺牲盟里橋國華適過之因出金帛曰汝
等以貧故爲不義以此助汝何如衆慚而去國華

追與之所居曰弱溪元兵下處州右族爭避患其
中重貨山積聞兵猝至委之而去居人欲攘所有
國華命左右收貯一室事定召其主悉歸之

劉夢求工術數未嘗爲邵氏學而知人休咎如燭照
術行於三衢遂爲衢人士大夫過衢者以不問夢
求易卦爲恨永康陳亮爲文以張之

元

王淮字玉淵博學美容儀嘗受業於石塘胡先生大
德間授瀏陽州教授歷松江路判官

郭良知號稼圃博學通經文章道德爲時所宗

陳繹曾字伯敷處州人爲人雖口吃而精敏異常諸經註疏多能成誦文詞汪洋浩博其氣曠如也官至國子助教論者謂與陳旅相伯仲云

元史陳旅傳

吳仲元以文學世其家爲本路儒學教授

鄭謹之字有常性切直能面責人過而聞人一善咨嗟嘆美逾於在己里居授徒從者常數十人自號似山隱居後以薦授龍泉教諭調建康學錄改獨峯書院山長秩滿致仕將仕郎處州路儒學教授食半祿至正二年卒

王元泰字長卿善易訓導郡庠子仲成獨峯書院山

長姪景行通春秋經訓導郡庠

周濬字深伯少有志操延祐間仕潭州路經歷陞象山縣皆以廉著

林定老字君則延祐五年進士除奉化同知遷興化路通判陞新州守皆有政績子彬祖至正五年進士嗣祖以詩經魁浙江孫公慶亦領鄉薦

潘弼字良輔由教官選廣東廉訪司照磨公廉律已發奸摘伏如神爲勢要所忌改除贛州路司獄未嘗改其操焉

項棣孫字子華以薦爲青田教諭至順元年登進士

授同知奉化州事調福州路總管府推官改興化
路莆田縣尹轉知福清州事丁內艱不赴尋提舉
泉州市舶司事秩滿歸攝本州貳守累階奉直大
夫同知延平路總管府事會朝廷遣重臣李國鳳
經畧江南承制陞棣孫本路總管兼防禦事歲餘
致仕隱居青田萬藏山棣孫在奉化時州民以四
月八日飯僧棣孫惡其男女無別嚴禁之在福州
有海舶列旗幟金鼓以備不虞仇家誣爲亂已簿
錄其家棣孫白之活者數百人有周生者以鍊金
惑衆衆指爲神仙出入公府莫敢何問棣孫縛而
罪之在莆田俗悍少恩有忿爭輒搯小兒吮斃之
陷人於罪棣孫召耆艾婉諭之風頓革在泉州丁
儉歲守卒出掠至殺人棣孫白郡守發粟振之郡
以安至正十三年福安諸縣奸民林君祥等招江
西妖人數萬圍福州廉訪使郭興祖檄棣孫集義
兵往援棣孫部署有法寇恐夜遁去其攝貳守時
青田寇吳德祥據險阻官兵時失利棣孫佐大帥
城守仍遣其婿祝彥方往諭之德祥歸所執縣尹
葉伯顏縣尉薛徹徹禿詣大府請降棣孫爲政簡
易一以愛民爲本不求赫赫名至忠義大節持之

甚力至正二十六年卒

案宋濂項君墓銘載其事如此所云伯顏者即葉琛

別名也而宋集中復有葉治中歷官記盛稱琛禦賊功初不及據孫一字故知歷官記非宋筆也

葉元灝字子西學以聖人爲宗雖盛暑必衣冠而處

事親存歿咸中禮其友項棣孫語人曰生事葬祭

求無媿古人者惟吾子西耳家貧殺衣縮食葬宗

黨十餘喪講授弟子敷繹奧旨初無倦色士大夫

慕之稱爲樂隱翁

案葉夢得之人栝乘前人屢糾其違然宋濂葉府君墓碣以元

灝爲石林十世孫且云葉氏宋初自松陽卯山遷

麗水東里至贈檢校少保夢得始以經學著云云

豈栝故石林祖

貫歟附識俟考

陳桂芳字椽理授徒鄉校師嚴道尊隱德不仕

王興祖字君起博學好古後進師之隱居不仕

葉熙字敬仲通春秋學嘗爲教官歸隱不出

吳文煥字國光精春秋學隱居終身號小栝山人

黃許字與可志聖賢之學善談古今事得失至正中

天下無事許獨憂以爲且大亂著書十篇言政治

闕失曰亟用吾言庶可救後將無及上之宜撫使

者不用後亂作李國鳳經畧江南見其書辟之不

起卒年八十著有四書類觀易大意書總斷又哀

制度文爲之說爲文通若干卷初許守母墓廬於

石壁下遂號石壁山人云

季仁壽字山甫重紀至元初以薦爲慈溪教諭列狀
大吏祀鄉先生黃震於學設課試法以鼓舞後進
秩滿遷松陽訓迪如慈溪改饒州雙溪書院山長
以親老辭李國鳳經畧江南承制起婺州教授堅
辭之肥遯以終自號春谷處士初仁壽父德異治
易春秋有名仁壽承家學通其奧義及上饒鄭原
善來爲郡錄事仁壽從受詩書二經所造益精學
者稱四經師爲文詞能自成家余忠宣公深賞之
所著曰春谷讀書記易書詩春秋衍義四書質疑
策樞遙覽詩林鈞元弓冶錄春谷文集兵燹後罕

有存者宋濂銘其墓深致惋惜云

案仁壽見龍泉縣志今考宋景

濂季公墓銘云其先龍泉人徙居州城中則爲麗
獻矣府志有曾德異子仁壽誤季爲魯也

劉演字浩卿有文學美容儀受經於錄事玉山鄭明
善得其傳至正初起爲義烏教諭後署明善書院
山長子彬明洪武初官工部員外郎

林森字君度積學敦行爲後進模範不樂仕進年九
十餘卒

葉登龍字梅林博學明經講道授徒著有周易記

梁載字遜耕通經博學著元處州路志侄琪口珪以
文學世其家

陳康子字景邵著通鑑節要刊於郡庠

葉焜號高溪善詩有和陶集

葉浚字仲明學通諸經工詩著有石山樵唱集

陳鑑字伯銖典教松陽善詩著有午溪集

陳鑄字叔鼎幼喪父力學通經至正間以德行授金華照磨末期謝歸事寡嫂盡禮推腴田與之鄉人無力喪葬者出財佐之洪武初劉基胡深欲薦之因哭母喪明不果

楊顯文由儒士任本學訓導輕財樂施陞武康學教諭

吳宗文自號野齋通春秋經隱居西山鄉人高其行誼稱曰野齋處士

何清臣字學可通春秋經誠意伯劉基師之

俞杰字仁仲授將仕佐郎處州路儒學教授嘗輯先儒論說爲論語訓蒙

王鍾字彥中爲宋給事信之後與弟錡孿生及長俱好學能文詞至正十三年以春秋經魁鄉貢力學得疾闋四年卒鎮帥石抹宜孫弔之以詩青田劉基爲文以哀之

王坦字子明其先由會稽徙麗之玉溪宅心夷坦善

與人交州閭及士大夫咸敬信之常曰士生不獲
罪戚黨得自娛邱壑足矣寵榮權利非吾願也疾
革命其子毋厚葬毋用釋道士青田劉基銘其墓
趙德懷名古臯以字行嘗受經於林彬祖博學有識
以古文鳴宋濂推之復稱其爲人恂恂樂易溫其
如玉云

吳嗣英字華叔安國從孫父邦本皆使金不屈者也
邦本侍父疾遂精於醫嗣英繼其學不要利內外
嫻窶者傾資給之歿不能葬亦藉以襄事愛城北
三巖幽邃豫爲藏穴於山麓時醉卧其中築歸愚

庵於前屬其友何宗姚曰若爲我墓禍幸得生見
之某年月日吾當窆此耳至期果然官至迪功郎
吳祖繼一名元亨字嘉甫於經史百氏書無不研究
親歿負土成墳廬居於側服闋始還室屢燬於火
必先完諸弟者弟有孤女二人厚嫁之性耿介弊
善疾惡無少詭隨赴愬者得片言咸悅服去人謂
有漢陳寔之風私謚嘉靖處士云

俞涑字巨川世饒於財而敦厚積弱有科繇隸卒蹈
門畏之如虎狼多寡惟所欲涑長遇事立辦有急
奮身見官長自白吏不能爲奸利鄉里賴以安輯

涑外剛明而內慈惠弟邁風癩疾憂之如在己召
醫劑藥必躬親之弟沒撫其子尤有恩意鄉鄰之
孤嫠貧病者恤之惟恐不及云

趙友桂字詵仲一字國芳爲宋恭憲王元佐十二世
孫於學無所不究尤精天官律歷爲詞章溫潤爾
雅中山李桓少推許顧稱友桂典奧不羣友桂亦
高自矜詡不可一世獨善臨海舒卓談輒徹夜或
大號墮幘人目爲狂生就試屢被黜隨父宦金陵
遭亂驚噩得疾卒年僅三十有三所著書有夏小
正解詩書易諸錄辨南客稿宋景濂銘其墓曰南
明之西有氣吐霓化爲龍文上貫少微蓋深悼之
也

梁天民思親廬墓將終身焉其友劉基曰廬墓非古
也然人子有不能已而自我爲之君子不非焉乃
作梁孝子廬墓詞表其哀思焉

魏朴字復古世饒於財居近通濟渠凡旱澇濬修朴
率輸金爲倡至正十二年閩寇自浦城侵龍泉朴
以家財募兵禦之王府參軍胡深授朴管軍千戶
守禦保定事平遂除稅課局副使禁胥吏苛歛有
廉能稱以憂去終喪墓廬明初以賢良徵不起

祝子和幼以孝友著稱既長度不能隨時俯仰絕意仕進嘗一遊淮浙間士大夫重其文雅爭延致之俄歸里門築室曰梅所度書萬卷與賓朋觴詠其中治家有法喪葬皆遵古禮至正五年卒

潘堯夫字季雍英敏博學尤工書元末山寇剽掠堯夫出私財募丁壯守禦鄉里多其功明初鎮帥欲授以官以親老辭自號無知老子晦迹以終

明

葉琛字景淵麗水人博學有才藻元末從石抹宜孫守處州爲畫策捕誅山寇授行省元帥王師下處

州琛避走建甯以薦徵至應天授營田司僉事尋遷洪都知府佐鄧愈鎮守祝宗康泰叛愈脫走琛被執不屈大罵死之追封南陽郡侯塑像耿再成

祠後祀功臣廟

明史本傳 案宋文憲集有葉治中歷官記凡千餘言稱琛元世仕

蹟甚備府志所載則互有詳畧而葉氏譜牒載宋文浮於本集者幾二千言或謂譜牒者爲初稿集中者爲定本府志則從初稿掇拾者也今考文憲其稱琛攝處州總管府同知時於至正十五年十月賊持刀槊自縣庭擁琛至黃壇山寨至次年四月送還州城首尾七閱月而一籌莫展去留生死一聽於賊殆一木偶人耳與史傳所云畫策平寇者何其戾也而猶復書賊體貌之恭供張之盛以爲榮幾於狂易失性矣府志以其不中情理意爲改竄覽者孰從徵信乎故辨而削之不使劣翰得汚前賢云

葉現字景龍南陽侯琛之弟洪武初以薦至京明祖試以詩稱旨授通州勾管尋陞府判有惠政擢南雄知府築隄瀦水灌田萬餘畝人稱葉公陂宋濂稱其飭已廉介操心仁恕後祀名宦

葉琮幼失怙恃叔母陳氏性悍欲逐之琮盡讓田宅別居而且暮歸省如此者十餘年陳歿其子珣以田宅讓還琮雍穆無間焉

任維平博究羣書至正己亥明師下金華與弟維信往見之太祖方御食命賦青瓷壺詩稱旨留語達旦俱授義兵萬戶維平辭不就後以所言皆驗再

召投觀察使

李參字景參詞華敏贍尤工於詩洪武初詣京師賦鍾山曉霽詩稱旨賜宴命需次錄用以母老懇辭歸家政甚肅三世不異爨有泉石稿若干卷

劉彬字宗文元季隱居不仕築室曰菜窩灌園自給明初應聘爲晉王府典儀轉官工部主事以力政著聞初金華宋濂游少微山值彬抱甕出汲叩姓名弗告而言灌事甚悉及起官濂遇諸朝乃次往時問答語爲抱甕子傳青田劉基亦爲補作菜窩說焉

李維齊洪武中由太學試登甲科拜監察御史抗疏
極論時政調容縣知縣

王德均字志衡好禮樂道不干勢利明初屢徵不起
隱居清趣亭以終

賴原俗洪武間爲章邱丞莅政寬裕潔已愛民凡公
出量地遠近裹糧而行遷戶部員外郎

俞廷芳洪武初由儒士知涑州招逋亾薄稅歛民甚
德之又遷縣治新學廟程度皆廷芳所定後官延
平知府

祝崑幼隨母陳氏避亂山中猝遇賊母自投絕澗崑

望見躍從之賊退鄉人迹之崑衣絰於樹不死母
亦救治得全洪武七年舉孝廉擢潛山知縣未幾
陳情乞養歸

祝金字廷心資性淳厚志學不倦師事宋濂由儒士
任本府訓導陞浦江教諭屢典鄉試所著有吟癡
集祀本縣名宦

祝定字伯靜以醫鳴洪武初授本府醫學提領轉正
科註竇太師標幽賦醫家咸宗之

徐用中嗜學工詩由秀才授遼府教授訓課生徒多
有成立

吳廷桓洪武中舉明經任王府紀善有百韻梅花詩
詠史詩槐溪吟稿著於時

楊仲吉洪武中辟至京師上問在家何爲對曰春耕
夏耘秋收冬則教子讀書通義理特授崖州知州
及歸惟衣被而已

王廉字希陽洪武初薦入翰林修史書成授太子說
書官至陝西左布政使廉博通經史尤精於易所
著有菱山集迂論史纂南征錄四書詳說又善琴
工篆隸

劉宗保博學能文元世任青田縣石門書院山長洪

武初任本府儒學訓導

趙可久博學能文洪武初由儒士任廣東左布政使
潘初以明經授慶元學訓導號介軒有雉足稿

潘堯心字伯口有學行美丰儀明初以明經秀才授
王府錄事歷監察御史遷河南按察司僉事著有
巢雲集三十卷

黃池字伯生師事劉基文章器識爲時推重官秦府
紀善著有石樓文集

鄭孟純多藝術尤精音律洪武初詔州縣儒學以雅
樂釋奠頌其成書於天下時無知者孟純獨按音

律教諸生上聞而嘉之詔八成均與冷謙共定一

代之樂

案府志不著孟純邑里考兩浙名賢錄作麗水人

吳壽字子六洪武末由歲貢任監察御史左遷旌德知縣廉明有吏才民甚愛之

沈琇字廷潤居貧力學隱處山林工詩善歷算和而不同自號雙溪漁者

陳宗明任瀏陽知縣歷溧水皆有聲陞署廣東布政使致仕復起終於官

葉子曉字啟明善詩文甘窮約不受人餽遺日無事而受非義也有司上其名徵辟不應

吳叔圭博學善文洪武中舉賢良方正不就隱居終身

王雋字叔英雅志詩書不求仕進所著有友梅集槐屋集

鄭玻字仲彩善文詞謙謹不欲上人有司以賢良方正薦力辭不就

黃夢庚字伯明兄夢池爲龍江宣課大使以入課鈔惡繫刑部獄夢庚走京師視之會有詔肯罪無大小得輸粟邊郡自贖夢庚欲鬻田往輸夢池曰鬻田父母何食夢庚曰兄獲免罪歸父母啜粟飲水

無不樂者馳還家語其弟夢裴夢裴持券東西走
買白金予夢庚輸粟大同夢池得出

楊本處州人建文初以太學生應募授錦衣衛鎮撫
使常操鐵棒馳陣所向披靡李景隆忌其功不與
上白溝之戰請爲陣首景隆陽許而陰尼之諸將
不繼竟無功本乃疏劾耿炳文李景隆不足將請
自將以行不用後被擒燕王使繫北平獄趙王高
燧恐其爲內應殺之燕王歸太息曰吾直困之耳
奈何不爲吾儲良將

潘華永樂四年以舉人預修大典七年中乙榜授直

隸臨淮學教諭十年奉敕入禮經館纂修歷任長
汀南昌鎮江上饒諸學

吳允傳永樂六年被召預修大典授溇縣主簿致政
歸自號栝山遺老有溇陰吟稿

陳昞字仲圖永樂十八年舉於鄉昞幼孤篤志養母
遂絕意仕進郡守張佑周祺皆禮爲大賓最後郡
守韓裴欲薦之不受年九十四終

吳政先名善才永樂十三年進士授行在禮部主客
司主事謙謹自持克盡厥職洊陞本部右侍郎

周原慶永樂間由人材授程鄉知縣歷浦城江甯二

縣皆著聲官至刑部郎中工畫尤善松石

俞英由舉人授兵部主事陞員外郎勤慎能舉其職

孫俊字尚賢成化八年進士歷官南工部尚書英

贈如其官

柳杲字寅賓謙謹好學由人材任處州學訓導得俸

金悉以贍族後謝病歸身範家模多所垂法

王庶悅與弟庶康同居四十餘年內外無間言有地

近學宮卽輸之學以擴其基士論多之

王存誠以儒士徵授上林苑典簿尋擢監丞栝山寇

為亂有指良民為盜者存誠適回里遇於黃頭嶼

察其寃白當事釋之所活凡百餘人著有如愚集

趙初宣德間諸生家貧力學父卒苦無地以葬痛不

欲生其友吳伯昭割地與之初故毀瘠又躬親營

築積勞而卒指揮牛通憐之并其父葬焉

吳子聽以篤行孚於鄉有不平事往質之得片言立

解宣德間歲歉代鄉民輸課於官

薛道銘字宗永早工文藝後以為末技棄去益務為

惇行尤善事其兄事無大小必稟承之兄坐事逮

繫請以身代不得則傾資營救卒以免長里中徭

賦勞役均而徵歛時不妄耗人一錢恤貧拯患於

宗戚尤有恩意永樂十八年卒以子希璉貴贈刑部侍郎

薛希璉字廷器年十二爲諸生宣德五年成進士詔歸進學後三年赴召觀政兵部拜貴州道監察御史負氣敢言正統五年按治河南有時譽尋命巡京市蹋坊蹋坊者百貨所聚駟贖窟穴爲商賈患上察希璉能故有是命不逾月權豪屏迹會廷選憲臣分行天下舉備荒之政希璉直江西所至以便宜剗姦弊廣儲蓄築陂塘通變盡利能聲益著事竣擢刑部右侍郎六年畿內廣平等府旱蝗希

璉往視蠲逋弛征天大雨蝗亦旋息未幾往理鳳陽等處屯田宿弊一清軍民交利十年巡撫直隸保定淮安等十一府事有不便者立罷之十三年閩寇鄧茂七作亂逾年始克郡邑殘破命希璉鎮守其地無何茂七黨羅丕復起希璉遣使宣諭宥其脅從降者數萬其逃入海者亦面縛自歸希璉因縱兵擊其渠擒斬殆盡以功陞刑部尙書鎮守如故景泰三年命大臣分行天下考察官吏希璉之山東罷黜貪鄙者二百五十餘人適旱蝗經營振貸活饑民百數十萬天順元年改南刑部二年

卒初希璉鎮守閩中作五水寨五寨者福甯之烽
 火門福州之小埕澳興化之南口山泉州之浯嶼
 漳州之西門澳也後漸廢嘉靖四十二年倭事棘
 巡撫譚綸號知兵以五寨守扼外洋法甚周悉疏
 復之焉案彭時撰希璉神道碑其紀事年歲與實
 錄間有不符今正水寨事碑不載據明史
 兵志及譚
 綸傳補

